

BOSNA I HERCEGOVINA
FEDERACIJA BIH
ZENIČKO-DOBOJSKI KANTON
GRAD ZENICA

Broj: 02-14-14639/15-8
Zenica, 07.05.2015. godine

Na osnovu člana 70. stav (1), (2) i (3) Zakona o javnim nabavkama Bosne i Hercegovine ("Službeni glasnik BiH" br. 39/14) i Preporuke Komisije za provođenje predmetnog postupka javne nabavke od 07.05.2015. godine, a nakon provedenog Pregovaračkog postupka bez objave obavještenja o nabaci za **Izvođenje dodatnih radova na sanaciji stadiona „Bilino polje” u Zenici**, Gradonačelnik Grada Zenica **d o n o s i**:

O D L U K U

Član 1.

Prihvata se konačna ponuda ponuđača **„KOMGRAD-ZE” d.o.o. Zenica** zaprimljena pod poslovnim brojem 03-1-6249/15 od 06.05.2015. godine, sa ukupnom cijenom **55.551,47 KM** sa uračunatim PDV-om, dostavljena u Pregovaračkom postupku bez objave obavještenja o nabaci za **Izvođenje dodatnih radova na sanaciji stadiona „Bilino polje” u Zenici**.

Član 2.

Odluka stupa na snagu danom donošenja.

O b r a z l o ž e n j e

Dana 28.04.2015. godine Komisija se sastala nakon dostavljenih uputa i smjernica od strane predstavnika UEFA-e o nastavku izvođenja radova u cilju što funkcionalnije sanacije stadiona „Bilino polje” u Zenici, odnosno zbog potrebe za izvođenjem dodatnih radova nakon realizacije osnovnog, prvobitno zaključenog Ugovora broj 02-14-14639/14 od 23.07.2014. godine, a koji su usljed nepredviđenih okolnosti postali neophodni za izvršenje ili izvođenje u njima opisanih radova i kao takvi dodatni radovi se ne mogu, tehnički ili ekonomski, odvojiti od osnovnog, prvobitno zaključenog Ugovora bez većih nepogodnosti za ugovorni organ (rok za realizaciju projekta do 12.06.2015. godine definisan od strane UEFA-e kao uslov za nastavak odigravanja kvalifikacionih nogometnih utakmica reprezentacije BiH za plasman na EURO 2016, utakmica sa Izraelom 12.06.2015. godine, a jedini stadion certificiran za odigravanje utakmica reprezentacije BiH od strane UEFA-e je stadion „Bilino polje” u Zenici).

S obzirom da je osnovni, prvobitno zaključeni Ugovor sklopljen sa izvođačem radova "KOMGRAD-ZE" d.o.o. Zenica, dana 29.04.2015. godine aktom broj 02-14-14639/15-5 Komisija je uputila pismeni zahtjev navedenom dobavljaču za dostavu inicijalne ponude za izvođenje dodatnih radova, a koji su se pojavili nakon realizacije osnovnog, prvobitno zaključenog Ugovora i koji nisu bili uključeni u osnovni, prvobitno zaključeni Ugovor. Većina radova koji su predviđeni da se izvedu na stadionu su radovi koji su realizirani u sklopu osnovnog, prvobitno zaključenog Ugovora.

Dana 30.04.2015. godine dobavljač "KOMGRAD-ZE" d.o.o. Zenica je dostavio inicijalnu ponudu broj 03-1-6037/15 za izvođenje dodatnih radova na sanaciji stadiona „Bilino polje” u Zenici. Komisija je pristupila otvaranju dostavljene inicijalne ponude, te konstatovala da cijena iz inicijalne ponude iznosi 61.077,86 KM sa uračunatim PDV-om.

Komisija je pristupila analizi jediničnih cijena iz dostavljene inicijalne ponude i aktom broj 02-14-14639/15-6 od 30.04.2015. godine obavijestila ponuđača da pristupi pregovorima o dostavljenoj inicijalnoj ponudi dana 30.04.2015. godine u 15:00 sati u zgradi Javnog preduzeća za prostorno planiranje i uređenje grada „Zenica“ d.o.o. Zenica, Mehmedalije Tarabara br. 15, II sprat, kancelarija br. 202.

Dana 30.04.2015. godine u 15:00 sati Komisija je obavila pregovore sa predstavnikom ponuđača "KOMGRAD-ZE" d.o.o. Zenica. Izvršena je analiza svih jediničnih cijena iz inicijalne ponude, te je definisano da se pri izradi konačne ponude za stavke izvođenja radova koje su već bile definisane osnovnim, prvobitno zaključenim Ugovorom za izvođenje građevinsko-zanatskih radova na sanaciji stadiona „Bilino polje“ u Zenici jedinične cijene zadrže u potpunosti. Dalje se pristupilo analizi jediničnih cijena za nove stavke izvođenja radova koje nisu bile definisane osnovnim, prvobitno zaključenim Ugovorom, a sve kako bi se postigla niža cijena izvođenja predmetnih radova u konačnoj ponudi ponuđača. O pregovorima je sačinjen Zapisnik sa ovlaštenim predstavnikom ponuđača "KOMGRAD ZE" d.o.o. Zenica, gosp. Mirsad Kulačić, ovlaštenje broj I-560/15 od 30.04.2015. godine, te je kopija Zapisnika dostavljena i predstavniku ponuđača.

Nakon pregovora Komisija je aktom broj 02-14-14639/15-7 od 30.04.2015. godine pozvala ponuđača "KOMGRAD-ZE" d.o.o. Zenica da do 06.05.2015. godine do 13:00 sati dostavi svoju konačnu ponudu.

Dana 06.05.2015. godine u 14:00 sati u zgradi Javnog preduzeća za prostorno planiranje i uređenje grada „Zenica“ d.o.o. Zenica, Mehmedalije Tarabara br. 15, II sprat, kancelarija br. 202., Komisija je pristupila otvaranju dostavljene konačne ponude ponuđača „KOMGRAD-ZE“ d.o.o. Zenica. Javno je pročitana cijena iz konačne ponude ponuđača u iznosu 55.551,47 KM sa uključenim PDV-om.

Nakon otvaranja ponude i pripreme Zapisnika sa otvaranja ponude Komisija je pristupila analizi jediničnih cijena iz dostavljene konačne ponude i konstatovala da su jedinične cijene za stavke izvođenja radova koje su već bile definisane osnovnim, prvobitno zaključenim Ugovorom za izvođenje građevinsko-zanatskih radova na sanaciji stadiona „Bilino polje“ u Zenici zadržane u potpunosti. Jedinične cijene za nove stavke izvođenja radova koje nisu bile definisane osnovnim, prvobitno zaključenim Ugovorom su u skladu sa tržišnim cijenama za izvođenje predmetnih radova, te je kao takvu konačnu ponudu ponuđača „KOMGRAD-ZE“ d.o.o. Zenica i prihvatila.

-Primjenjujući kriterij utvrđen u Pozivu za učešće "najniža cijena" i na osnovu Preporuke Komisije za provođenje predmetnog postupka javne nabavke od 07.05.2015. godine, riješeno je kao u dispozitivu.

POUKA O PRAVNOM LIJEKU: Protiv ove Odluke nezadovoljna strana ima pravo prigovora Ugovornom organu – Grad Zenica u roku od pet (5) dana od dana prijema iste.

DOSTAVLJENO

1 x Ponuđač
1 x Komisija
1 x a/a



GRADONACELNIK

Husejin Smajlović, dipl.pravnik